

<p><b>Tutmonde</b></p> <p><b>Japana ministro sinmortigis</b> <i>Legu la plenan artikolon en raporto.info</i></p> <p>Laŭ informoj de pluraj japanaj amaskomunikiloj: <a href="#">NHK</a>, <a href="#">Mainichi Shimbun</a> je la 28-a de majo 13:18 (UTC+9), oni trovis ke <b>Matsuoka Toshikatsu</b>, la Japana Ministro pri Agrikulturo, Forstokulturo kaj Fiŝado penduminta sin ĉe la Pensiĝo por parlamentanoj (Akasaka, Mitano-kvartalo, <a href="#">Tokia Metropolo</a>). Matsuoka estis portita al la Filia Malsanulejo de <a href="#">Keio-Gijuku-Universitato</a>. Je la 2-a horo, oni konstatis ke li estas morta. La opoziciaj partioj, iuj membroj de regpartioj persekutis lin pro korupta skandalo.</p>	<p><b>Movade</b></p> <p><b>Vikipedio kreskas kiam Antverpeno festas</b> <i>Legu la plenan artikolon en Libera Folio</i></p> <p>Dum la centjariĝa festo de la loka Esperanto-klubo en Antverpeno oni rigardis ne nur malantaŭen. Okazis prelegoj pri tri gravaj interretaj projektoj, kaj praktika trejnado pri redaktado de la reta enciklopedio Vikipedio. La organizintoj de la prelego kaj seminario pri Vikipedio, Chuck Smith kaj Yves Nevelsteen, konstatis ke ĝenerale daŭras longe konvinki homojn ke libere redaktebla enciklopedio povas funkcii. Por multaj esperantistoj redaktado de artikoloj en Vikipedio tute ne estas per si mem klara, tial utilas la nova manlibro kaj la volontulaj teknikaj helpantoj.</p>
<p><b>Informe</b></p> <p><b>10a Internacia Fotokonkurso</b> <i>Informoj prenitaj el esperantujo.org</i></p> <p>Post naŭ sukcesaj konkursoj (1998–2006) la redakcio de “La Ondo de Esperanto” invitas al partopreno en la deka Internacia Fotokonkurso. En la fotokonkurso rajtas partopreni ĉiu fotemulo amatora aŭ profesia, sendepende de la loĝlando kaj lingvokono. Unu persono rajtas partopreni per maksimume kvin fotoj. La minimuma formato estas 15×20 cm. Fotoj povas esti koloraj aŭ nigra-blankaj, vertikalaj, horizontalaj kaj aliformataj. Fotoj senditaj elektronike ne estas akceptataj. - Legu la Regularon de la Fotokonkurso en la novaĵrubriko de “La Ondo” <a href="http://www.esperanto.org/Ondo/">http://www.esperanto.org/Ondo/</a></p>	<p><b>Redakcie</b></p> <p><b>Lernejo, kaj mi petas helpon</b> Saluton karaj legantoj,</p> <p>Daŭris longe ĝis ĉi tiu numero aperis, pardonu min pro tio. Mi ja estas normala (nu, ĉu tute normala...?) studento kiu libertempe kaj eĉ lernejempe kunmetas ĉi tiun gazeteton, tute sen aliaj celoj ol kontribui al la Esperanta mondo. Do, pro tro da lernejoj de nun pdf.iompostiom.net aperos iom malpli ofte. Ĝi nepre ne malaperos! Ĉu vi ŝatas ĉi tiun gazeteton? Bone! Eble vi povas helpi ankaŭ fojfoje kunmetante gazeton. La fontdosieroj (en formato ODF, de OpenOffice.org) estas libere haveblaj en la retejo sub la ligiloj '#' kaj adapteblaj.</p> <p>Ĝis poste! Joop Kieft // LaPingvino</p>